



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

### მანაგაძე ნოდარ შოთას ძე



ნ. მანაგაძე

მანაგაძე ნოდარ შოთას ძე (19. III. 1946, თბილისი, – 27. XI. 2006, იქვე), კინორეჟისორი, სცენარისტი. საქართველო. ხელოვნ. დამს. მოღვაწე (1980), საქართველო. კომკავშირის პრემიის ლაურეატი (1974). დაამთავრა შოთა რუსთაველის სახ. თეატრ. ინ-ტის სადადგმო ფაკ-ტი (დ. ალექსიძისა და მ. თუმანიშვილის სახელოსნო, 1965). 1964-იდან მუშაობდა კინოსტუდია „ქართულ ფილმში“, სადაც გადაიღო მხატვრული ფილმები: „მოლოდინი“ [1969; ვარნის (ბულგარეთი) საერთაშ. კინოფესტივალის პრიზი, 1970], „ნუთისოფელი“ [ორივე შ. მანაგაძესთან ერთად, 1971; პრიზი და პრემია თბილ. საკავშ. კინოფესტივალზე, 1972; სორენტოს (იტალია) საერთაშ. კინოფესტივალის ჟიურის პრიზი, 1972; საქართველო. კომკავშირის პრემია, 1974], „ივანე კოტორაშვილის ამბავი“ (ვაჟა-ფშაველას პოემის მიხედვით, 1974), „ამაღლება“ [1977; სიტხესის (ესპანეთი) საერთაშ. კინოფესტივალის ჟიურის პრიზი, 1988], „კაშხალი მთაში“ (1979); „გაბაფხული გადის“ (1983), „ეი, მანკარო!“ [1987; სან-რემოს (იტალია) საავტორო ფილმების 31-ე საერთაშ. კინოფესტივალის ჟიურის სპეც. პრიზი, 1987; საკავშ. კინოფესტივალის I პრემია და პრიზი, ბაქო, 1988]; „ნოე“ (1990), „ნათლისღება“ (1994), „ანგელოზის გადაფრენა“ (2000, საერთაშ. კინოფესტივალ „ბოლოტო ვიტიაზის“, პრიზი რეჟისურისთვის, რუსეთი, 2001), აგრეთვე მოკლემეტრაჟიანი ფილმი „საერთო კედელი“ და დოკუმენტური ფილმი „ზამთრის დღე“ (ორივე 1972). მის ფილმებს რეჟერენად გასდევს ადამიანის არსის, ცხოვრების საზრისის ძიების თემა, რ-საც ავტორი სხვადასხვა ისტ. და სოც. ვითარებათა ფონზე იკვლევს და

სათქმელს მისი ხელწერისთვის დამახასიათებელი პოეტური სიმბოლოებითა და მეტაფორებით გადმოსცემს. იგი ყველა თავისი ფილმის სცენარის თანაავტორია. გადაღებულია მამის, შ. მანაგაძის ფილმში „თვალი პატიოსანი“ (1976), აგრეთვე თავისი რეჟისორობით გადაღებულ ფილმში „კაშხალი მთაში“.

**მ. კერესელიძე**

---